

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON  
OPĆINSKI SUD U BUGOJNU  
Broj: 46 0 Rs 032927 19 I 2  
Bugojno, 27.10.2025. godine

Općinski sud u Bugojnu, sudija Samil Ramić, u izvršnom postupku tražilaca izvršenja: Eniza Bambur i dr., svi zastupani po punomoćnicima Mustafi Jusufbašić i Almi Jusufbegović, advokatima iz Bugojna, te tražilaca izvršenja koji su pristupili u izvršni postupak, protiv izvršenika UNIS „MOR“ dd Bugojno, zastupan po zakonskom zastupniku Salihu Fuka, direktoru iz Bugojna, Donjići I/58, radi naplate potraživanja, vrijednost spora 534.391,80 KM, uvećano za sporedna potraživanja, van ročišta, dana 27.10.2025. godine, donio je slijedeći:

### **Z A K L J U Č A K**

#### **O PRVOJ PRODAJI POKRETNIH STVARI**

Rješenjem Općinskog suda u Bugojnu, broj: 46 0 Rs 032927 13 I od 21.11.2013. godine, dopušteno je izvršenje protiv izvršenika UNIS „MOR“ dd Bugojno, radi namirenja potraživanja tražioca izvršenja prodajom pokretnih stvari izvršenika.

Dana 14.06.2016.godine popisane su pokretne stvari izvršenika UNIS „MOR“ dd Bugojno.

Dana 28.03.2019. godine održana je prva prodaja pokretnih stvari izvršenika isključivo po LOTOVIMA, na kojoj su prodane određene stvari iz LOT 1.

Dana 05.09.2024. godine održana je druga prodaja pokretnih stvari izvršenika, na kojoj su prodane određene stvari iz LOT 1 i LOT 2.

Nakon druge prodaje koja je djelimično uspjela u pogledu LOT 1 i LOT 2, zbog specifičnosti predmeta prodaje, određena je ponovna druga prodaja preostalih pokretnih stvari izvršenika iz LOT 1 i LOT 2, te LOT-a 3 za dan 07.10.2024. godine.

Dana, 14.12.2023. godine shodno uputi višeg suda popisane su preostale stvari koje nisu ranije popisane (LOT- 4).

Prva prodaja pokretnih stvari iz LOT-4 je djelimično uspjela dana 14.11.2024. godine, te druga prodaja iz LOT-a 4, te je potrebno zakazati ponovno drugu prodaju sva četiri LOT-a.

Dana 9.9.2025. godine u 09:15 sati ponovno su pristupili izvršitelji na adresu izvršenika UNIS „MOR“ DD BUGOJNO u mjestu ul. Armije BiH Bugojno radi utvrđivanja koje popisane stvari nedostaju u LOT 3. Uvidom na licu mjesta konstatirano je da popisane stvari iz „LOT 3“ od rednog broja 1 do rednog broja 7 su tu (šipke od čelika). Od rednog broja 8 do rednog broja 18 su djelimično tu i određeni dio nedostaje ( šipke od aluminijuma). Od rednog broja 19 do rednog broja 25 nedostaju u potpunosti (šipke od mesinga), pa su zbog toga i ispuštene iz zaključka o prodaji dok će se nedostajuće stvari od br. 8. do 18. naknadno utvrditi iz objektivnih razloga (potreba stručnog i preciznog mjerenja količine) i umanjiti cijena kupcu za pripadajući dio.

Nakon druge prodaje koja je djelimično uspjela u pogledu LOT 1 i LOT 2, te LOT-a 4, a zbog specifičnosti predmeta prodaje, određena je ponovna druga prodaja za dan 23.10.2025. godinu pokretnih stvari izvršenika i za LOT 1, LOT 2, LOT 3 i LOT-a 4.

Nakon druge prodaje koja je djelimično uspjela u pogledu LOT-a 4, a zbog specifičnosti predmeta prodaje, određena je ponovna druga prodaja slijedećih pokretnih stvari izvršenika i

za LOT 1, LOT 2, LOT 3 i LOT-a 4, a dogovoreno je da se za LOT-5 zakaže prva prodaja za 13.11.2025. godine, a da se eventualna druga prodaja LOT-a 5 uskladi sa drugom za navedene lotove :

1. Određuje se prva prodaja naknadno popisanih pokretnih stvari izvršenika i to:

#### **LOT- 5**

| Red. br. | Opis popisanih stvari                                                                              | Kom. | Vrijednost                                |
|----------|----------------------------------------------------------------------------------------------------|------|-------------------------------------------|
| 1.       | MAGACIN REZERVNIH DIJELOVA I<br>KONTROLNIKA:<br>-police<br>-rezervni dijelovi i kontrolnik         | -    | 24.580,00 KM<br>2.600,00 KM               |
| 53.      | MACAZIN ZA REZERVNE ALATE:<br>-aluminijски ormari<br>-metalne police<br>-alati za doradne strojeve | -    | 2.464,80 KM<br>3.900,00 KM<br>1.500,00 KM |
| -        | UKUPNO:                                                                                            | -    | <b>35.044,80 KM</b>                       |

i to putem usmenog javnog nadmetanja na **dan 13.11.2025. godine (četvrtak) u 10.00 sati**, u zgradi Općinskog suda u Bugojnu, sudnica broj 2.

2. Utvrđuje se da vrijednost pokretnih stvari iznosi **35.044,80 KM (lot 5 – pojedinačne cijene navedene u tabeli)**, a sve na temelju procjene izvršene po sudskom vještaku mašinske struke Miroslavu Radoš iz Travnika, Donja Mahala 2/18.

3. Najniža prihvatljiva ponuda po kojoj se predmetne stvari mogu prodati je 1/2 utvrđene vrijednosti po jednoj stvari. Početne ponude za prvo ročište na iznose manje od 1/2 utvrđene vrijednosti neće biti razmatrane.

4. Zainteresovani kupci mogu izvršiti pregled predmeta prodaje u dogovoru sa izvršiteljima na adresi izvršenika.

5. U javnom nadmetanju kao kupci mogu učestvovati samo osobe koje su prethodno dale osiguranje, koje iznosi 1/10 utvrđene vrijednosti pokretne stvari koja je predmet prodaje, s tim što ne može iznositi više od **10.000,00 KM**. Osobe koje sudjeluju u javnom nadmetanju dužne su prije početka ročišta sudu predati dokaz o uplaćenom osiguranju. Osiguranje se polaže na depozitni račun Općinskog suda u Bugojnu br. 1011300000295629 kod Privredne banke Sarajevo, sa naznakom broja predmeta.

6. Ponuđač s najvećom ponudom dužan je platiti cijenu odmah nakon objavljivanja rezultata ročišta za prodaju. Ako to ne učini, drugi ponuđač će biti proglašen kupcem i bit će dužan platiti cijenu koju je ponudio i tako redom.

7. Ako se stvari ne uspiju prodati na drugom ročištu, sud će, u smislu odredbe člana 131. stav 5. Zakona o izvršnom postupku( “Službene novine FBiH” br.32/03, 52/03, 33/06, 39/06, 39/09 i 35/12: u daljem tekstu: ZIP), obustaviti postupak.
8. Ovaj zaključak o prodaji objavit će se na oglasnoj tabli suda, a tražilac izvršenja ga može objaviti i u javnim glasilima, o svome trošku.

**NAPOMENA:**

Javna prodaja provest će se po utvrđenim lotovima tako da se neće provoditi prodaja svake stvari pojedinačno. Stvari se kupuju u zatečenom stanju tako da Sud i izvršenik ne mogu dati bilo kakve garancije na tehničku ispravnost.

**Ukoliko ne bude ponuđača za cijeli lot onda će se prodaja vršiti i pojedinačno.**

Sudija

Samir Ramić

**Pouka o pravnom lijeku:**

Protiv ovog zaključka nije dopušten pravni lijek.